

Ysbyty Gwynedd Adran Achosion Brys



**Diweddariad ar y gwelliannau yn Adran
Achosion Brys Ysbyty Gwynedd**



Yn y rhifyn hwn:

Hyfforddiant Digwyddiad Cemegol

Ymweliad y Prif Weinidog

Adroddiad ar Gynnydd



@bcuhb



/betsihealthboard



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Hyfforddiant Digwyddiad Cemegol



Mae gan Fwrdd Iechyd Prifysgol Betsi Cadwaladr gynllun cyffredinol i ddelio â digwyddiad mawr.


Yn ddiweddar bu i'n staff yr Adran Achosion Brys gymryd rhan mewn ymarferiad hyfforddiant ar sut i ddechrau rheoli digwyddiad cemegol yn eu hystafell dadlygru newydd.

Ar gyfer y sesiwn hon roedd ganddynt 'anafedigion' o Interserve Construction, sy'n gwneud y gwaith gwella yn ein Hadran Achosion Brys.



Mae yna ddull a ragnodwyd ar gyfer dadlygru'r anafedigion ac wrth gwrs roedd y staff a oedd yn rhan o'r ymarferiad hwn yn ei weld fel cyfle gwerthfawr i ymarfer gorchmynion a rheoli'r digwyddiad.

Cynhelir yr hyfforddiant hwn bedair gwaith y flwyddyn yn yr Adran Achosion Brys a'r nod yw cynnal ein gwydnwch i reoli digwyddiadau cemegol.



Drosodd atoch chi...



Rydym bob amser yn falch i gael adborth am Adran Achosion Brys Ysbyty Gwynedd a'n gwasanaethau. Dyma enghraifft o beth mae pobl wedi bod yn ei ddweud y mis hwn.



"Gwasanaeth arbennig a chyflym. Roedd fy mab wedi torri ei fraich a dim ond pedair oed ydyw. Cawsom ein gweld o fewn pum munud o gerdded i mewn, nid oedd yn rhaid i ni aros. Roedd y staff yn wych o'r dechrau i'r diwedd."



"Diolch i Adran Achosion Brys Ysbyty Gwynedd am y gofal arbennig a gafodd fy merch – gwych!"



"Rwyf wedi bod yn Ysbyty Gwynedd ddwywaith gyda gwahanol aelodau o fy rheulu yn y ddau ddiwrnod diwethaf ac rwy'n ôl yma gyda thrydydd aelod bore ddydd Sul. Mae'r cynhesrwydd a'r cyfeillgarwch heb ei ail - diolch."



@bcuhb



/betsihealthboard

Ymweliad y Prif Weinidog



Yn ddiweddar cafodd y Prif Weinidog, Mark Drakeford, daith o gwmpas yr Adran Achosion Brys yn ystod ei ymweliad i Ogledd Cymru i gael gwybod mwy am sut bydd y gwaith gwella yn elwa staff a chleifion.

Dywedodd: "Roedd yn wych gweld yr estyniad newydd a'r newidiadau yn Adran Achosion Brys Ysbyty Gwynedd. Bydd y gwelliannau yn trawsnewid gofal brys i bobl yng Ngogledd Cymru, gan wneud gofal a thriniaeth yn fwy effeithiol ac effeithlon.

"Rwy'n edrych ymlaen at ymweld ag Ysbyty Gwynedd eto unwaith bydd y gwaith adeiladu wedi gorffen ond yn y cyfamser rwy'n diolch i'r staff am eu gwaith caled parhaus."

Adroddiad ar Gynnydd



Mae cyfnod olaf y prosiect yn datblygu'n dda gyda'r parwydydd yn awr wedi'u cwblhau a'r elfennau peirianyddol a thrydanol bron â chael eu cwblhau.

Mae'r coridor newydd yn yr ardal Mân Anafiadau bron â gorffen ac mae'r goleuadau wedi'u gosod ac mae'r addurniadau olaf yn y rhan yma bron iawn â chael eu cwblhau.

Mae'r llawr yn cael ei osod yn yr ardal Dibyniaeth Fawr ac Adfywio ac mae gwaith wedi dechrau ar y nenfwd.

Bu i'r Bwrdd Iechyd gymeradwyo'r achos busnes ar gyfer gwaith gwella ym mis Tachwedd 2016, ac yn dilyn cymeradwyaeth gan Lywodraeth Cymru ym mis Chwefror 2017 mae gwaith wedi dechrau ar y safle ers mis Ebrill 2017.

Mae'r gwaith yn cynnwys tri cham i ddarparu Adran Achosion Brys newydd sy'n cynnwys Uned Mân Anafiadau, Uned Dibyniaeth Fawr, Adfywio a ward asesu i dderbyniad newydd 23 gwely.

Hoffem ddiolch i'n cleifion a'n staff am eu hamynedd yn ystod y gwaith ac rydym yn awr yn edrych ymlaen at weld ein Adran Achosion Brys newydd wedi'i chwblhau yn ystod yr hydref!

